

續修南鄭縣志

續修南鄭縣志

第一卷

續修序

續修啟

凡例

原序

原啟

輿地

沿革

幅員

經緯度

山脈

川道



續復齊
德齊

國十卷
續文

續修南鄭縣志跋

廷錫不敏自筮仕關輔凡三捧檄適漢中
得經所謂倚郭首城南鄭者見其山川城
郭之壯風俗人物之美材木竹箭之富渠
田鑛產之饒輒每心為數之欲得邦志一
縱觀為以攄懷舊之念發思古之情願以
時局紛憂簡書迫促迄不可得而覩晁後

續修南鄭縣志

吳序

守漢乃獲嚴樂園廉訪所輯漢中府志伏
而讀之欽厥紀載精弘攷據詳密其間山
水道里地險民風述之尤悉然後知方志
之書寔關乎政法軍事之用非徒稽攷故
實流連風景僅供一二學士文人探討諷
頌已也用是深契其書積公使錢若干擬
重梓行世會北上不果然私衷冀念郡志

固未獲覆刊第邑乘則已屢奉議輯或得
邦人君子修廢舉墜賡續為之是亦地方
捋濟之資軍國措施之藉有志經邦用世
者所宜孜孜勿緩者也歲月不居越九載
而邑之賢達藍君葆初劉君警春郵書廷
錫以縣志之成見告并示稿本七卷仍循
王志舊例增補所缺宏綱細目條理秩如

由是一邑之志成而他邑之志將觀感奮
興次第修補漢川全域之文獻各各有徵
彼郡乘之重刊與否正不必斤斤計議矣
藍劉兩君子之篤念鄉邦紀載不憚勤苦
如此而廷錫規復漢南邦典之私願不償
於彼而償於此亦云幸矣抑又攷之竹書
周穆王即位之年築祗宮於南鄭穆天子

傳並有兩入南鄭之文此邑志所自始也
竹書列四庫全書編年史類中確然可據
證以左氏子革所言祇宮亦必不處近畿
之地蓋穆滿車轍馬跡之達於西陲當時
實以此邦為行在所中途頓置大啟宏規
厥後獲浚祇宮猶有眷戀勿捨之志說者
謂秦漢以前通道海西此為嚆矢即今由

漢達隴以抵西域之路也緬懷全盛山河
風物如在目前斯邑誠隴蜀衝途之一大
都會今者政煩賦重倍甚大東杼柚之空
事襍言龐迫殊沔水朝宗之趨然苟得長
民者施引養引恬之教運尔田尔宅之籌
安集勞來休養生息又安見今必異於古
所聞耶於是益悟載筆諸君不惜科別而

條舉之者用意固深且遠也廷錫未嘗學
問經畬史策兩皆荒蕪志棄體裁尤鮮討
究無以智識疏淺塵俗糾牽捧讀斯編初
不能為一字之商酌重負舊交執友遠道
貽書諄諄見囑之雅意搦管淹遲愧慙曷
極願獨竊幸是志之成梁州漢水政俗可
稽疇昔求刊郡志之懷頓然得達而郡國

利病臚列闡編進之當塗省覽矜念或思
所以拊循而噢咻之用慰此邦人士陳風
論政之苦衷是則同深踴躍者耳至於體
例之善敘述之詳搜采之勤考訂之核覽
者自能得之正無俟僂數為也爰摭所蓄
綴於後方聊罄鄙忱用達摯愛夫豈足為
方家道哉辛酉三月江甯吳廷錫謹跋



續修南鄭縣志序

社之有志仿自周禮南鄭古虜之經州
地當孔道凡夫山川人物之繁風俗政教
之盛衰得失之故舊志固已詳矣顧
自乾隆以迄於今其間經髮於之蹂躪
兵燹之摧殘時勢既已交遷政俸旋即

續修南鄭縣志

序

一

改革藉茲修正而增補之其何以示來
景而後考競此南鄭續志所以垂名
也邑紳葆初仁弟留心經世之學而
於邑乘尤注意日與知事李郭瑞浦
紫煇董登志局劉學士馬次翰軒
子乾況曰欽諸君子致數磋商訂圖間寒

暑稿成問序於余夕披而讀之見其傳
例精嚴史裁切門類昭析治謨也注曰
五者如志仍舊而不採美也所列之表美
圖改新而必求良也其與地遠置政治人
物風土記事藝文今為七門之標也目
有刪潤之者有增益之者苦心昭然矣

揭蓋致核礪當斟酌咸宜在參禱闕
畧之病有綱中魁外之觀其因傷人心風
俗可據為典要比崇後鮮哉方今國勢
陟危筭如累卵不有地何有民不有民何
有治寧不惜也而惡乎以地方實行自治
則南鄭存南鄭存而一切與地建置政

詠人物風土紀事藝文固巨等古而
常新也抑又聞之禮義者取國之四維
四維不絀國乃滅三編中類列孝義忠
節及殉難官弁紳民尤為在溢在漏
可歌可泣其足以激勵人心強摯風化
閭里自知固不待余之贅言爰述其大

畧以此率西仲夏南海獻之于廷陳
撰



續脩南鄭縣志序

有清乾隆中葉王君樸園南
鄭創脩邑乘謹嚴有法逮光緒
時中經白蓮紅羊之劫文獻凋
散孫君介眉續之改竄面目迥
失王志之舊識耆病篤民國紀

續修南鄭縣志

卷一 柴序

元干戈倣擾四民憔悴疇復以
縣志爲急圖耶己未春郭君瑞
浦再署篆有慨於中爰籌巨資
延劉君警春藍君葆初董局務
網羅搜採纂輯成帙規模駸駸
乎大備矣會瑞浦移疾遍愚承

其氏警春葆初兩君知契夙深
舊雨重逢新稿甫脫敦付剞劂
俾覓厥緒而已竊謂志之作也
固舉一邑政要之大覈載靡遺
使注念民膜者覽其已然之跡
有所據依而措施也易若夫詭

衰之論病時之治悍戾鮮忌憚
者之所為社會襲沿不可猝滌
之習染其始兆於一二端之微
漸久漸廣而演為風氣或極數
十百率罔有術以拯其弊亦宜
附識於篇垂為勸誡如刪詩之

不廢鄭澗龍門著史猶倭幸并
傳也庶有當乎微顯之旨也南
鄭向屬附郭道府同城有府志
有縣志府志失脩有率自裁府
留縣昔之專志於府者今將併
志於縣概削則無徵訊列則近

濫故志南鄭倍難於他邑茲志
之成刺舉義例凡前志之善者
擷之謬者糾之蕪者刊之乖陋
遺軼者潤色而拾補之事增文
省去取當而用力勤要皆諸君
子之功也愚何力之有篤謹綴

覈語用誌顛末云

皆在民國十年西孟秋月南
鄭縣知事白河柴守愚序



續修南鄭縣志延採訪公啟

竊維方策具在文武之政可循杞宋無徵夏殷之禮莫考是以韓子使魯觀太史而知周興蕭何入秦收圖籍而成漢業古者方各有志職隸春官後世縣自為書制沿外史紀載既求美備政教藉以昌明邑乘之修關係綦重南鄭建瓴漢上綰轂山南壤錯雍梁道通隴蜀山川形勝今古稱雄文物典章後先相映然考王行儉之

續修南鄭縣志

郭啟

一

舊志板已燬而不完讀孫介眉之續篇書速成而未備此二十餘年之內應紀之事蹟正繁而七十二壩之中可徵之文獻易泯且也共和改造制度聿新兵燹洊臻滄桑屢易及此不述後將何徵鳳洲前蒞此邦即思續輯會移西邑有志未成天假之緣今幸囊琴再至心同此理羣思志乘重新爰設局以董成復分門而編纂規模縱云猶備網羅或恐未周軼事遺聞時發見

於遐陬僻壤幽光潛德每埋沒於蔓草荒烟若不博採旁蒐難免挂一漏萬惟望

鄉邦俊彥里黨耆英抒所見聞補其疏畧耳目較近足為信史之徵毫髮無遺盡入輜軒之採庶幾取材既富補前志之闕文集腋而成遺後來以實錄云爾此啟

南鄭縣知事郭鳳洲具

延修志書原啟

粵自書傳禹貢官號職方太師采列國之風外
史掌四方之志黃圖皇覽漢魏具有成書郡國
方輿唐宋彌多全帙惟千載之典章旣備豈一
方之文獻無徵瞻茲南邑夙號名區地界雍梁
星躔井鬼旱麓興歌於周雅沱潛誌蹟於夏書
山川雄秀開漢家四百之基土壤膏腴延劉氏
三分之統渠名蕭堰文終之惠澤斯存谷號武

續修南鄭縣志

原啟

一

鄉丞相之經營如在地靈鍾秀人傑挺生節孝
忠貞咸仰漢庭太尉才資匡濟羣推元代平章
樊季齊之高隱范史垂聲李貞古之孝思唐書
著美母儀若杜泰姬之賢明婦道如韓樹南之
節烈美不勝收並足維持風化終難悉數允堪
扶植綱常顧自秦厲築城而後歲近三千暨皇
清定鼎以來年經百五前言往行非無載籍之
傳聞別類分門未有成編之會萃遂使曠懷上